

第6篇題目：幸福个禮拜日朝晨

關鍵客語詞彙：

歡喜廬天、家和萬事興、「運動身體好，愛定動，正靈通。」「大人有好樣，小人正像樣」

第一格圖：

禮拜日朝晨，天時當好，佢去學校運動場走相逐，人還多還鬧熱哪，全家一屋人大團圓。阿叔姆用娃娃車才送等叔伯老妹來散步，二叔在草埔頂教佢个黃狗乖乖坐正來，看起來當生趣。

第二格圖：

小阿姑在大樹下做體操，佢盡愛靚，逐日做運動，想愛減肥。在大樹下做運動，較涼較舒爽，毋會曬著日頭，毋像佢正走無兩輪，就汗流脈絡了，好得今晡日日頭毋會當烈，還有涼涼个風，走起來當鬆爽。

第三格圖：

阿爸阿姆坐在大樹下凳仔項看書，看到當入文，這就係佢兩儕這一禮拜當中最輕鬆个時節。脣頭老弟、老妹當在該搞球仔，兩儕球仔擲啊過來、擲啊過去，搞到當歡喜。

第四格圖：

佢繼續走運動場，走過一輪又一輪，堵到阿公阿婆，手牽手行路。阿公講：「運動身體好，愛定動，正靈通」，得人惜个老人家，逐日朝晨，一定行兩輪，正轉屋。禮拜日朝晨个運動場，是佢幸福家庭个快樂天堂。

自家經驗：

佢在祭日摻老弟也會跔等阿公、阿婆、阿爸、阿姆趣蹶山，風涼涼吹來，一路花香，鳥仔歡喜歌唱，當鬆爽。到山頂食等阿姆準備个客家菜包，淋涼涼个仙草茶，佢摻阿爸老弟還會搞飛盤，扯鈴，打球仔。阿姆摻阿公、阿婆打嘴鼓，大家就當暢樂。

提問：

1. 你有全家共下出去祭个經驗無？

答：有啊！全家族去旅行，包一輛遊覽車，在車上唱卡拉OK，非常好搞！

2. 人講：「家和萬事興」，試講你个看法！

答：佢屋下，阿公當家，阿爸、阿姆上班，佢摻老妹上課。逐日暗餐，阿婆煮飯，阿姆搨手，一家人快快樂樂過日仔。阿公阿婆身體健康，阿爸、阿姆正常上班，佢摻老妹煞猛讀書。正經係「家和萬事興」。

3.

第三格圖：爸爸媽媽坐在樹下凳項看書，做得講：「大人有好樣，小人正像樣」無？

答：做得！佢个爺哀正經盡愛讀書，是佢个模範！